

INUIT ATAQATIGIIT INATSIARTUNI



UKA2025/135

21. okt. 2025

Nivi Heilmann Efraimsen

Kalaallit Nunaanni nunaqarfinni tamani ingerlatsinissamut akuersissuteqarfiullutik qulimiguulinnut mittarfinnik pilersitsinissamut, pioreersunillu aserfallatsaaliuinissamut, kingusinnerpaamik UKA2026-mut, Naalakkersuisut sanaartornissamut pilersaarusiornissaannut (projektering) peqquneqarnissaannik Inatsisartut aalajangiiffigisassaattut siunnersuut.

Inatsisartunut ilaasortaq Jens NapãtôK', Naleraq

Oqaaseqaat.

Siullermik Inuit Ataqatigiinniit siunnersuuteqartumut Jens NapãtôK', Naleraq siunnersuutaanut qujarusuppugut.

Nunatsinni isorartoqisumi angallannikkut ataqatigiissaarineq, atortulersuutinillu ineriartortitsiuarnissaq Inuit Ataqatigiinniit pingarteqaarput. Qulimiguulinnik mittarfiuppata, nunakkut aqqutaappata immakkulluunniit angallanneruppat.

Aasakkut angallannerit inoqarfinniit inoqarfinnut ajornannginnerusarput. Taamaattorli issittumi nunaqarnerput pissutigalugu, ukiukkut suna tamarmi mumittuusisarpaq, suna tamarmi angallanneq silaannakkut nunap ilaani taamaallaat periarfissaalersarpaq.

Inoqarfiit akornganni angalasinnaaneq pingitsoorsinnaanngilarput, ukiullu ilarujussua qulimiguullit kisiisa aqqutigalugit inoqarfiit tikinneqarsinnaallutik. Taamatuttaaq nioqqutissanik, allakkanik allanillu inuuniarnermut atortunik pilersuinnermut aqqutaasarlutik.

INUIT ATAQATIGIIT INATSIARTUNI



Taamaattumik una qulequtaq inoqarfiit isumannaatsumik tikissinnaanissaannut pingaartuuvoq, minnerunngitsumillu innuttaasut sinnerissami isorartuumi toqqissisimallutik erngumanatillu inuussappata angallannikkut sinaakkutaasut ajunngitsumik isumannaatsumillu sinaakkutaqarnissaat Inuit Ataqatigiinniit pingaartipparput.

Inuit peqqissusaat eqqarsaatigalugu aamma pingaarluinnartuuvoq sukkasuumik isumannaatsumillu inoqarfiit tikiqqarsinnaanissaat.

Ullumikkullu pissutsit qiviarutsigit isorliunerusunut isorliunerusuniillu angallanneq ilungersunartorujussuartut oqaatigisinnaavarput. Tamannalu piaartumik ilorraap tungaanut saatittariaqakkatta ilagisaat.

Taamaattumik Inuit Ataqatigiinnit pissusissamisoorluinnartutut isigaarput nuna tamaat isigalugu pilersaarusiornissamik suliaqartoqarnissaa.

Naalakkersuisullu allannguutissatut siunnersuutaat paasilluarlugu akueraarput.